

**Talamdan sa
Mga Mensahe alang sa Full-time Training
sa Spring Term sa 2024**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
IKADUHANG CORINTO**

Mensahe 14

Ang Pagsinati sa Grasya sa Dios diha sa Pamatigayon sa Dios

Basahong Kasulatan: Juan 1:16-17; 1 Cor. 15:10; 2 Cor. 1:12; 12:7-9; 13:14; Rom. 5:17, 21

I. Ang pagkinabuhi sa mga ministro sa bag-ong pakigsaad mao ang pagkinabuhi sa grasya, ang pagsinati sa grasya:

- A. Gihimo sa 1 Corinto ang kasaysayan sa mga anak sa Israel sa Daang Tugon nga hulagway sa mga magtutuo sa Bag-ong Tugon (5:7-8; 10:1-13), apan wala hisgoti sa 1 Corinto ang maayong yuta, kay, sa espirituhanong bahin, naa sa 2 Corinto ang realidad sa maayong yuta.
- B. Ang realidad sa maayong yuta sa 2 Corinto mao si Cristo mismo nga diosnong grasya; ang grasya ni Ginoong Jesucristo mao ang sentrong hunahuna ug hisgotanan sa 2 Corinto—13:14; 1:12; 4:15; 6:1; 8:1, 9; 9:8, 14; 12:9.
- C. Pareho ra ang *dili ako kondili ang grasya sa Dios* sa 1 Corinto 15:10 sa *dili na ako...kondili si Cristo* sa Galacia 2:20; ang grasya nga nagdasig ni apostol Pablo ug naglihok diha niya dili butang kondili buhing persona (Juan 1:16-17), ang nabanhawng Cristo, nga pagkalawas sa Dios Amahan (Col. 2:9; Juan 14:7-11) nga nahimong Espiritung malangkobon-sa-tanan nga taghatag-og-kinabuhi (1 Cor. 15:45b; 2 Cor. 3:17), nga nipuyo sa apostol aron mahimong pagpahimulos niya nga naggahom (2 Tim. 4:22; 2:1).

II. Ang grasya mao ang kahibulongang Cristo nga pagkalawas sa Tulo-usang Dios sa tulo ka aspeto: sa Iyang pagkamao, sa gihatag Niya, ug sa gibuhay Niya alang nato aron atong mapahimuslan; mahimong tanan si Cristo kanato ingon nga grasya kay nahikay ug nahingpit na man Siya aron mahimong Espiritung taghatag-og-kinabuhi nga nagpuyo sa atong espiritu—Gal. 6:18; Fil. 4:23; Filem. 25:

- A. Ang grasya mao ang kahibulongang Cristo sa Iyang pagkamao—Juan 1:14, 17; 8:58; Rom. 5:17, 21; 1 Cor. 15:10; itandi sa Gal. 2:20.
- B. Ang grasya mao ang kahibulongang Cristo nga gihatag kanato, gipaambit kanato, nga hilabihan kamadagayaon sa pagtuo ug gugma diha ni Cristo—1 Tim. 1:14:
 1. Kon dunay nakulang nato, kining kakulangan maoy higayon nato nga masangkapan tag dugang nga Cristo nga grasya nga motagbo sa takdo-sa-panahon nga panginahanglan nato aron motubo ta diha Niya—Heb. 4:16; Rom. 5:17; 2 Cor. 12:7-9; 1 Ped. 5:5.
 2. Kon wala tay mahimo, kon dili ta makalihok, ug kon wala tay kusog, kana ang panahon nga mosalig ug mopahimulos ta sa sangkap sa Dios nga grasya—A. A. 8:5-6; Heb. 11:21; Gen. 47:29, 31.
- C. Ang grasya mao ang kahibulongang Cristo nga nagbuhay sa tanan sa sulod nato alang nato:
 1. Ang grasya mao si Cristo nga tigpangako sa atong luwan; maglabi kadaghan ang atong mga luwan, maglabi sab kadaghan ang kahigayonan nga makasinati ta ni Cristo nga grasya—2 Cor. 12:7-9; 1 Cor. 15:10, 58; Fil. 4:6-7.
 2. Magpagahom gyod ta diha sa grasya nga naa ni Cristo Jesus (2 Tim. 2:1) aron mahimong maayong mga piniyalan sa nagkadaiyang grasya sa Dios (1 Ped. 4:10; Efe. 3:2; 4:29) isip mga magtutudlo (2 Tim. 2:2), mga sundalo (vv. 3-4), mga sumasangka (v. 5), mga mag-uuma (v. 6), mga mamumuo (v. 15), ug mga sudlanan ngadto sa pagkahalangdon (v. 21).

III. Ang grasya mao ang Dios diha ni Cristo nga Espiritu nga atong mapahimuslan, ug mapadayonon gyod tang modawat ning grasyaha, sa nagsapawsapaw nga grasya man ngani, aron maluwas ta diha sa kinabuhi aron maghari diha sa kinabuhi pinaagi sa kadagaya sa grasya nga naghari sa atong sulod—Juan 1:16; 1 Cor. 15:10; 2 Cor. 12:9; Rom. 5:17, 21:

- A. Kanunay gyod natong hinumdoman nga ang pagpahimulos nato sa Ginoo dili alang sa atong kaugalingon kondili alang sa uban nga atong giatiman; kini ang “pagkapiniyalan [Gk. *oikonomia*] sa grasya sa Dios nga gihatag kanako alang ninyo”—Efe. 3:2; Luc. 11:11-13; Juan 4:10; 7:37-38; Gal. 3:2-5; Juan 3:34.
- B. Ang pagdagaya sa grasya mao ang grasyang nidagaya sa atong adlaw-adlaw nga kinabuhi sa hingpit nga pagkaila sa Dios ug ni Jesus nga atong Ginoo; dato, nagkadagaya, ug madagayaon ang grasya sa Dios diha sa Iyang pamatigayon—1 Ped. 1:2b; 2 Ped. 1:2; Juan 1:16; Efe. 1:6-8; 2:7; Rom. 5:17, 21; 1 Tim. 1:14; Bug. 22:21.
- C. “Ang among pagpasigarbo mao kini, ang panghimatuod sa among konsensya, nga sa pagkayano ug pagkamatinud-anon sa Dios, dili sa unodnong kaalam kondili sa grasya sa Dios, naggawi mi diha sa kalibotan, ug labi na gyod nganha ninyo”—2 Cor. 1:12:
1. Ang paggawi nato diha sa pagkayano sa Dios nagpasabot nga wala ta mosalig sa atong kaugalingon o sa ato bang natural nga tawhanong kahimoan nga mangitag sulbad sa atong lisod nga kahimtang; ang paggawi nato diha sa pagkamatinud-anon sa Dios pagkaanaa man nato sa grasya sa Dios.
 2. Ang grasya ni Ginoong Jesucristo, ang Espiritu sa grasya, naa sa atong espiritu, nga gianak pagusab aron mahimong puluy-anan ug sudlanan sa Tulo-usang Dios—Heb. 10:29b; Gal. 6:18; Fil. 4:23; Filem. 25; 2 Tim. 4:22:
 - a. Bansayon gyod nato ang atong espiritu, padilaabon kini, aron makapahimulos ta sa kadato ni Cristo nga igo-sa-tanan nga grasya nato aron makabarog ta batok sa nagkagrabeng pagkadaot sa iglesia ug makatuman sa pamatigayon sa Dios—1:6-7; 4:22.
 - b. Ipatumong gyod nato ang atong hunahuna sa espiritu, magtagad sa atong espiritu, malmati sa atong espiritu—Rom. 8:6; Mal. 2:15-16; 2 Cor. 2:13.
- D. Si Cristo nga grasya mahimong gahom nga motabernaculo sa mga ministro sa bag-ong pakigsaad nga motabon nila sa ilang mga kaluyahon aron mahimong puluy-anan nila nga mosustener, mosuporta, moamuma, manalipod, ug moamping nila—12:9b.
- E. Gikinahanglan nato ang grasya sa Dios diha ni Cristo nga iaplikar kanato ingon nga atong kusog ug gahom aron makalihok, mapanalipdan, ug makatambayayongay ta diha sa Lawas—Ezeq. 1:6b, 9a, 11; Exo. 19:4; Isa. 40:31; 2 Cor. 4:7; 1:12; 12:9; 1 Cor. 15:10; Sal. 17:8; 57:1; 63:7; 91:4.
- F. “Busa manuol ta uban sa kaisog sa trono sa grasya aron makadawat tag kaluoy ug makakaplag og grasya nga tabang sa panahon sa panginahanglan”—Heb. 4:16:
1. Unsaon man nato pagduol sa trono sa Dios ug sa Cordero, ni Cristo, sa langit samtang nagkinabuhi pa ta dinhi sa yuta?
 2. Ang sekreto mao ang atong espiritu, nga gihisgotan sa Mga Hebreohanon 4:12; si Cristo mismo nga naglingkod sa trono sa langit (Rom. 8:34) naa sab karon nato (Rom. 8:10), sa ato pa, sa atong espiritu (2 Tim. 4:22), nga naa ang puy-anan sa Dios (Efe. 2:22).
 3. Didto sa Bethel, sa balay sa Dios, sa puy-anan sa Dios, nga ganghaan sa langit, si Cristo ang hagdan nga nagdugtong sa yuta sa langit ug nagdala sa langit nganhi sa yuta (Gen. 28:12-17; Juan 1:51); kay naa man sa atong espiritu ang puy-anan sa Dios karon, kini karon ang ganghaan sa langit, nga niini si Cristo ang hagdan nga nagdugtong natong mga tawo sa yuta sa langit, ug nagdala sa langit nganhi nato; busa, moliso ngani ta sa atong espiritu, makasulod ta agi sa ganghaan sa langit ug makatandog sa trono sa grasya sa langit pinaagi ni Cristo nga langitnong hagdan.

- G. Makita gyod unta nato nga si Cristo mismo ang trono sa himaya ug trono sa grasya (Isa. 22:23; Heb. 4:16); kon paharion nato ang grasya sa sulod nato, maanaa sa trono ang grasya sa sulod nato (Rom. 5:21) isip nagdumalang presensya sa Dios nga atong mapahimuslan (Ezeq. 1:22, 26).
- H. Maghari ta sa kinabuhi sa pagdawat nato sa kadagaya sa grasya; adlaw-adlaw duna gyod untay katingalahang diosnong pagpalatay nga mahitabo: madagayaong gisangkap sa Dios ang Espiritu sa grasya, ug mapadayonong gidawat nato ang Espiritu sa grasya—Gal. 3:2-5; Juan 3:34; Rom. 5:17.
- I. Ang mga nahigugma sa Ginoo sa walay pagkadaot maoy makapahimulos Niya nga grasya—Efe. 6:24; Juan 21:15-17; 1 Ped. 1:8.
- J. Ang mga naghulat sa walay kataposang Dios (nga nagpahunong sa ilang kaugalingon ug sa ilang pagkinabuhi, pagbuhat, ug kalihokan, ug nidawat sa Dios diha ni Cristo ingon nga ilang kinabuhi, persona, ug puli) makasinati sa gahom sa pagkabanhaw ni Cristo ingon nga grasyang mosuporta, mosustener, molig-on, motabon, ug manalipod nila—2 Cor. 12:9; Isa. 40:31; Ezeq. 1:8; Sal. 17:8; 57:1; 63:7; 91:4.
- K. Pahimuslan gyod nato ang pulong sa Iyang grasya (Buh. 20:32; Jer. 15:16) aron mahimong maayong mga piniyalan sa nagkadaiyang grasya sa Dios, nga namulong sa mga oraculo sa Dios ug nangalagad tungod sa kusog ug gahom sa grasya, nga gisangkap sa Dios (1 Ped. 4:10-11; Luc. 4:22; Efe. 4:29; Isa. 50:4).
- L. Sination gyod nato ang Espiritu sa grasya ug sa mga pangaliyupo nga magdala nato nga makapahimulos sa Tulo-usang Dios—Zac. 12:10.
- M. Gihatagan sa Dios og grasya ang mga mapaubsanon, apan gisanta Niya ang mga mapahitas-on—1 Ped. 5:5:
1. Diha sa iglesiahanong kinabuhi baksan gyod natong tanan ang atong kaugalingon sa pagpaubos ngadto sa usag usa aron makapahimulos ta sa Dios nga tighatag-sa-grasya—itandi sa Juan 13:3-5.
 2. Ang pagpasigarbo-sa-kaugalingon, pagtuboy-sa-kaugalingon, paghimaya-sa-kaugalingon, ug pagkaibog sa kawang nga garbo mao ang ngil-ad ug talamayong mga pagpadayag sa garbo—Gal. 5:26.
 3. Magluwas nato sa tanang matang nga kadaot ug magdapit sa grasya sa Dios ang pagpaubos, apan maghimo natong kinalabwang buangbuang ang garbo—Sant. 4:6; Sal. 138:6; Prov. 29:23.
 4. Andam gyod unta tang ipaubos diha sa gamhanang kamot sa Dios sa pagdisiplina Niya kanato ug itugyan ang atong kinabuhi ug ang mga kabalaka niini ngadto sa Dios, kay mahigugmaon ug matinumanon man Siyang nag-atiman nato—1 Ped. 5:5-7; itandi sa Sal. 55:22.
 5. Bisan kang Pablo, mabinantayon ang Ginoo nga dili siya malabian ra pagkatinuboy tungod sa pagkalabaw sa mga pinadayag nga nadawat niya, busa gitugotan Niya nga maanaay tunok sa iyang unod gikan ni Satanas; nisangpot kini sa pagsinati ni Pablo sa Ginoo ingon nga iyang igo-sa-tanan nga grasya—2 Cor. 12:7-9.
- N. Pahimuslan gyod nato ang grasya sa kinabuhi diha sa iglesiahanong kinabuhi aron makapabilin ta diha sa tinuod nga pagkausa—Sal. 133.
- O. Diha sa iglesiahanong kinabuhi, kon naa nato ang grasya, matukod ang iglesia, ug makita ang grasyang nadawat nato—Buh. 4:33; 11:23.
- IV. Ang kinahingpitan ug kinataposang lugwa sa grasya sa Dios diha sa Iyang pamatigayon mao ang Lawas ni Cristo nga mahimong Bag-ong Jerusalem nga balak sa Dios, nga magpadayag sa Iyang walay kinutoban nga kaalam ug diosnong plano; isip Bag-ong Jerusalem sa bag-ong langit ug bag-ong yuta, mapahimuslan nato sa kinahingpitan gyod ang dili masubay nga kadato sa Dios mismo, nga dayag gyong ipakita sa eternidad—Efe. 2:7-10; Bug. 22:5, 14, 17, 21.**